

FRANCISCI TVRRIANI SOCIETATIS IESV.

Aduersus Magdeburgenses Centuriatores pro Canonibus
Apostolorum, & Epistolis Decretalibus Pontificum
Apostolicorum. Libri Quinque.

AD ILLUSTRISS. ET REVERENDISS.
D. D. STANISLAVM Hofium S. R. E. Cardinalem,
& Episcopum Varmiensensem.



Cum Priuilegio Serenissimi Magni Principis Hetrurie.
De la Librerie de la Cour de France.



FLORENTIAE
Ex Officina Bartholomæi Sermartelli,
MDLXXII.

opere sancti Francisci de Sales

BIBLIOTECA
UNIVERSITARIA
SALAMANCA


ILLVSTRISSIMO, ET REVERENDISS.
D. D. STANISLAO HOSIO S. R. E.
CARDINALI, ET EPISCOPO
V. A. R. M. I. E. N. S. I.

Franciscus Turrianus Societatis IESV.



*Q*UAE neque semper, nec omnes, qui ad utilitatem ecclesie vel alijs seculis, vel etiam hoc nostro scripserunt, Reuerendissime Domine, cui nominatim opera sua dicarent, curasse videntur, non enim est hæc scriptorum lex, aut vice legis mos, fieri solet, ut cū clarum & insigne alicuius nomen apparet operi inscriptū, cui opus dicatum sit, continuo quidam tacita quadā curiositate audire aueant, quid causa in auctore fuerit, ut dicaret: præsertim, si auctor huiusmodi dicationibus alias in alijs libris suis non studuisse videatur, et nobis cū in seculo essemus, contigit. Quare, et curiosus istis, & auidus, si qui erunt, principio satisfaciam, Libros hos quinque, quos pro defensione canonum Apostolorum & epistolarum decretalium Pontificum Apostolicorum consecimus, ut tibi dedicatos emitterem, plura erant, quæ suaderent, primum, quod cum ipse tanto studio nobilissimam Germaniam tibi charissimam adiuuandi, eos q̄, qui in ea a recta via maiorum suorum, miserabiliter à principio seducti, deflexerunt, ad lucem reuocandi teneris, ut nihil magis cupias, nihil aliud te iam diu dies, ac noctes sollicitet, tu occurrebas maxime dignus hoc munere. cuius semper aures his beati Iacobi vocibus videntur undique circumsonare. Fratres mei, inquit, si quis ex vobis errauerit a veritate, & conuerterit quis eum, scire debet, quoniam qui conuerterit fecerit peccatorem ab errore viae suæ, saluabit animam eius a morte: & operiet multitudinem peccatorum: & Iudas apostolus, vos autem charissimi, memores estote verborum, quæ prædicta sunt ab Apostolis domini nostri Iesu Christi, qui dicebant vobis, quoniam in nouissimis temporibus venient illusores secundum desideria sua ambulantes in impietatibus. Hi sunt qui segregant semetipsos, animales, spiritum non habentes. vos autem charissimi super edificant vos metipsos sanctissima vestra fidei, in spiritu sancto orantes, vosmet ipsos in dilectione dei seruate, expectantes misericordiam domini nostri Iesu Christi in vitam æternam. & hos quidem arguite iudicatos: illos vero saluate de igne rapientes: alijs autem miseremini in timore, odientes eam, quæ carnalis est, maculatam tunicam. Hoc tu hæc strenue, & feliciter fecisti, & facis adhuc, libris tuis eruditissime illis quidem, & vberissime, ac multa sermonis suauitate scriptis, qui alios quidem ar-

† ij guunt.



FRANCISCI TVRRIANI SOCIETATIS IESV.

Aduersus Magdeburgenses Centuriatores pro Canonibus Apostolorum.

LIBER PRIMVS.

Responsio ad ea, quæ Magdeburgenses Centuriatores in proemio accusationis Canonum Apostolorum in eos obijciunt: & defensio Canonis xvij. de secundis nuptiis ordinando Clerico prohibitis: & explanatio loci Pauli ad Titum de continentia Sacerdotum, Collatis locis scripturæ, & examinata proprietate & consuetudine verbi Continentiæ in scripturis. Cap. 1.



VT IſtTVR ad omnia, quæ Magdeburgenses Centuriatores in Ecclesiasticos Canones Sanctorum Apostolorum obijciunt, respondere iam incipiamus, ordiamur ab eorum proemio; sic enim illi orti sunt, Canones illos, qui à Clemente Romano verſi dicuntur, & nomine Apostolorum circumferuntur, ab Apostolis non esse conscriptos, nec hoc sæculo tales extitisse, multis firmis argumentis probari potest. Hactenus proemium, in quo illud primum non intelligo, quid sibi velit, quod aiunt, Canones illos, qui à Clemente Rom. verſi dicuntur. Ex qua enim lingua verſi aut quis unquam dixit a Clemente verſos præter Magdeburgenses? an verſi e Græco in Latinum? æquis ignorat, Clementem Romanum lib. 8. de constitutionibus Apostolorum Græce scripſiſſe, eſſeque Apostolorum Canones extremam partem libri octauæ? tamenſi ignorasse quidem Magdeburgenses non mirum erat, ſi hi libri non eſſent iam pridè in lucem editi, & in publico verſarentur. An fortassis exiſtimarunt Magdeburgenses ex lingua Hebraica, aut Syra, aut Arabica, in Græcam a Clemente translatis? ipſi ergo viderint, quid dicere voluerint, aut quomodo a Clemente verſos intellexerint. Libenter equidem diſſimulaſſem hoc, quia parum, aut nihil ad cauſam refert, niſi cum ijs agerem, qui ſe in omnibus acutos & perelegantes viros putant, & præ ſe ceteros homines nihili faciunt. Præterea quod in eodem proemio dicunt, non eſſe ab Apostolis conſcriptos canones iſtos, Quis hoc negat? aut quis unquam ex catholicis ſcriptos ab Apostolis dixit? aut eſſe eos ſcripturam ſacram, & diuinitus inſpiratam? vt quidem eſſet, ſi ab Apostolis ſcriptos eſſe ſic probaretur, quomodo probatur, ſcriptum eſſe ab eis nouum teſtamentum. Quod autè adiunxerunt, Nec hoc sæculo tales extitisse: hoc illud eſt, de quo cum eis contendimus. Et hoc nos multis grauiſſimis teſtimonijs loco ſuo probabimus; ſi prius iſtorum argumenta, quæ ipſi firma vocant, & in ſex locos diſtribuerunt, refellerimus. Primum, nam reperiuntur (inquiunt)

A quiunt)

22
23
24
25
26
27
28
29

Quamiraſcite dixerint: Magdeburgenses eſſe Canones Apostolorum verſos: a Clemente.

Canones Apostol. ſine ſcripto tradi ſunt.

epistolis s. Clementis, & tribus Anacleti animaduersa, & notata sunt, factis erunt ad excitandum alios, vt idem in reliquis facere aggrediantur, quod non erit difficile in exemplum huiusmodi nostrae inuestigationis inuentibus. Habes igitur Reuerendissime, & Illustrissime Domine Stanislæ Hofi, Cardinalis lectissime, quæ pro ecclesiasticis canonibus sanctorum Apostolorum, & epistolis Pontificum Apostolicorum secundi sæculi contra accusationem Magdeburgensium respondere, vt nobis iussum fuerat, adiutore Deo, libris 5. mediocri industria potuimus. Qui ergo Magdeburgensium Centuriatorum accusationem, & defensionem nostram studio cognoscendæ veritatis legerint, ij iusti iudices erunt. corum. n. bonæ menti, & religioso proposito spiritus Dei aspirabit, vt reiecto mendacio, veritatem, vt confidamus, amplectantur. & canones Apostolorum, & priscorum Pontificum epistolas, in ecclesia, vt decet, reuereantur, ac venerentur. vt sit gloria Deo patri, cum filio, & vtriusq; spiritu in sempiterna sæcula.

Amen.



FLORENTIÆ,
Apud Bartholomæum Sermartellium.
M D L X X I I.

REGISTRVM.

† * * * A B C D E F G H I K L M N O P Q R S T V X Y Z.
A a B b C c D d E e F f G g H h I i K k L l M m N n O o P p
Q q R r S s T t V u X x Y y Z z.
A a a B b b C c c D d d E e e F f f G g g H h h I i i K k k L l l M m m
N n n O o o P p p Q q q R r r S s s T t t V u u X x x Y y y Z z z
A a a a B b b b C c c c D d d d E e e e. a b c d.

Omnes sunt duerni præter † ternium & * * * folium.